

# UGOVOR

## o poslovnoj saradnji i korištenju ugostiteljsko-turističkih kapaciteta

Zaključen između ugovornih strana:

- 1. Sportsko - rekreativnog centra Ajdinovići - S.R.C.A d.o.o.**, Ajdinovići b.b., 71 340 Olovo, ID: 4201623500004, kojeg zastupa direktor Sanela Omerčević (u daljem tekstu: Davalac usluga)
- 2. Samostalni sindikat osnovnog obrazovanja i odgoja Federacije Bosne i Hercegovine**, ul. Obala Kulina bana 1, 71000 Sarajevo, ID: 4200275500007, koga zastupa Selvedin Šatorović (u daljem tekstu: Korisnik usluga)

### I - PREDMED UGOVORA

#### Član 1.

Predmet ovog Ugovora je uređivanje međusobnih odnosa ugovornih strana povodom poslovne saradnje u korištenju ugostiteljsko-turističkih kapaciteta (dnevni i višednevni boravak) u Sportsko-rekreativnom centru Ajdinovići.

#### Član 2.

Davalac usluga se obavezuje da će korisniku usluga za njegove članove omogućiti korištenje usluga sportsko-rekreativnog centra Ajdinovići na bazi „all inclusive“ aranžmana.

Višednevni boravci će se organizovati pojedinačno ili grupno, a trajanje boravka može biti minimalno 3 (tri) dana, odnosno 2 (dvije) noći.

Stvarni korisnik usluge je član Samostalnog sindikata osnovnog obrazovanja i odgoja FBiH i članovi njegove uže porodice.

### II – NAČIN SARADNJE

#### Član 3.

Stvarni korisnik usluge će blagovremeno poslati rezervaciju Davaocu usluga kako bi se usaglasili slobodni kapaciteti Davaoca usluga.

Stvarni korisnik usluge će blagovremeno dostaviti spisak gostiju koji će doći na višednevni boravak.

Stvarni korisnik usluge sam obezbjeđuje prijevoz.

Davalac usluga je dužan da obezbjedi uslugu „all inclusive“ shodno redovnom meniju restorana i aktuelnom (sezonskom) sadržaju Centra.

Gosti će se prijavljivati na recepciji hotela, a prema prethodno dostavljenom spisku. Usluga koju će Davalac pružiti uključuje:

- Dnevni all inclusive aranžmani
- Višednevni all inclusive aranžmani
- Smjestaj u hotelskoj sobi, hostelu, apartmanu ili bungalovu (po želji gosta)
- Doručak 09:00 – 10:30 sati
- Ručak 13:00 – 15:30 sati
- Večera 19:00 – 20:30 sati
- Neograničena konzumacija pića
- Korištenje sportskih terena
- Korištenja bazena (veliki i mali) i SPA centra
- Korištenje sadržaja salona za zabavu (bilijar, pikado, stolni nogomet)
- Jahanje konja za djecu do 15 godina

- Korištenje dječije igraonice (otvorene i zatvorene)
- Korištenje fitness centra
- Korištenje ski lifta i ski opreme za djecu do 15 godina.

### III – CIJENA USLUGE I NAČIN PLAĆANJA

#### Član 4.

Davalac usluga će Korisniku usluga dostaviti redovni cjenovnik svih usluga, te blagovremeno obavijestiti Korisnika usluga u slučaju izmjena cijena određenih usluga.

Aktuelni cjenovnik Korisnik usluga može vidjeti i na [www.srca.ba](http://www.srca.ba).

Cijena boravka će se obračunavati prema broju gostiju, starosnoj dobi i politici formiranja cijena shodno tome.

Aktuelne cijene će Davalac usluge dostaviti putem e-maila [info@srca.ba](mailto:info@srca.ba) ili [prodaja@srca.ba](mailto:prodaja@srca.ba), na upit Korisnika usluge.

Na iste e-mail adrese stvarni korisnik usluge će slati najave dolaska.

Stvarni korisnik usluge može vršiti plaćanje u gotovini na blagajni Centra (pri dolasku).

Stvarni korisnik usluge putem ovog Ugovora ostvaruje popust 25 % na usluge višednevnog boravka (Ultra all inclusive) u Centru, a po aktuelnom cjenovniku Centra, osim na Dnevni all inclusive aranžman na koji ostvaruje cijenu od 30,00 KM / odrasla osoba (sa uračunatim popustom), a za djecu 5-15 godina dnevni all inclusive aranžman iznosi 15 KM / dijete (sa uračunatim popustom).

Djeca do 5 godine starosti imaju uslugu besplatno.

Stvarni korisnik usluge se obavezuje da će u slučaju eventualne materijalne štete na imovini S.R.C.A d.o.o. prouzrokovane od strane stvarnog korisnika usluge tokom boravka, ista biti nadoknađena na licu mjesta.

### IV - PRELAZNE ODREDBE

#### Član 5.

Ugovorene strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je općinski sud u Olovu.

#### Član 6.

Ovaj Ugovor stupa na snagu danom potpisivanja obje ugovorne strane.

Raskid ugovora je moguć na zahtjev jedne ili druge ugovorne strane sa otkaznim rokom od 30 dana.

#### Član 7.

Ovaj Ugovor je sačinjen u 2 (dva) istovjetna primjerka, za svaka ugovorna strana zadržava po 1 (jedan) primjerak.

S.R.C.A d.o.o.



Datum, mjesto: 10.11.17.



Samostalni sindikat osnovnog obrazovanja i odgoja FBiH

Datum, mjesto: Sarajevo, 03.11.2017.g.

Broj: 01-1348/17